



Broj: 01-05-21788-1/17
Sarajevo, 16.08.2017. godine

KANTON SARAJEVO
STRUČNA SLUŽBA VLADE
-OVDJE-

Predmet: Odgovor na zastupničko pitanje zastupnika Rasima Lakote, dostavlja se

Zastupnik Rasim Lakota je na 31. Radnoj sjednici Skupštine Kantona Sarajevo održanoj dana 05.07.2017. godine u okviru tačke Dnevnog reda „Zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo, postavio zastupničko pitanje i isto glasi:

„Da li postoji i koliko je takvih slučajeva diskriminacije demobilisanih boraca koji nisu proveli rat u Sarajevu, već u drugim gradovima Bosne i Hercegovine a bili su pripadnici Armije BiH, međutim nakon završetka rata iz određenih razloga su se doselili u Sarajevo, te ne mogu ostvariti nikakva prava i pomoć od Ministarstva za boračka pitanja KS?

Obrazloženje:

Određeni broj demobilisanih boraca koji su period agresije na BiH proveli van teritorije Kantona Sarajevo, a bili su pripadnici Armije BiH, nakon završetka rata iz određenih razloga su se doselili u Sarajevo. Obraćali su se Ministarstvu za boračka pitanja za određene vrste pomoći koje ovo Ministarstvo dodjeljuje demobilisanim borcima. Nisu mogli ostvariti svoje pravo i pomoć iz razloga što kako su im kazali iz Ministarstva da rat nisu proveli u Sarajevu, pa imamo naprimjer slučaj: Demobilisani borac rat proveo u Distriktu Brčko i nakon završetka rata doselio se u Sarajevo, u Brčkom mu kažu ti si odjavljen i nemaš nikakvo pravo pomoći kao demobilisani borac, javi se u Sarajevo, u sarajevu mu kažu ne možeš ostvariti svoje pravo jer rat nisi proveo u Sarajevu, ovo predstavlja diskriminaciju koja bi trebala da prestane odmah. Molim pisani odgovor!“

Na postavljeno zastupničko pitanje dajemo slijedeći

ODGOVOR

Ministarstvo za boračka pitanja Kantona Sarajevo vrši upravne i stručne poslove utvrđene Ustavom, zakonom i drugim propisima u oblasti ostvarivanja prava ratnih vojnih invalida i članova njihovih porodica, članova porodica šehida, članova porodica poginulih, umrlih i nestalih branioaca, dobitnika ratnih priznanja i odlikovanja i članova porodica poginulih, umrlih i nestalih dobitnika ratnog priznanja i odlikovanja, ratnih vojnih zarobljenika i demobiliziranih branilaca kao lica zaslužnih u odbrambeno-oslobodilačkom ratu sa područja Kantona Sarajevo.

U skladu sa postavljenim pitanjem obavještavamo Vas da osnovna prava pripadnici boračke populacije ostvaruju u skladu sa odredbama Zakona o pravima branilaca i članova njihovih porodica („Službene novine Federacije BiH“, br. 33/04, 56/05-Ispravka, 70/07 i 9/10) a posebna



prava po zakonima koje donose kantoni i Distrikt Brčko tj. u Kantonu Sarajevo po odredbama Zakona o dopunskim pravima boraca-branitelja Bosne i Hercegovine („Službene novine Kantona Sarajevo“, br. 45/12-Prečišćeni tekst i 26/14).

Članom 7. Zakona o pravima branilaca i članova njihovih porodica („Službene novine Federacije BiH“, br. 33/04, 56/05-Ispravka, 70/07 i 9/10), definisano je da branioci i članovi njihovih porodica ostvaruju druga prava u skladu sa federalnim i kantonalnim propisima koja nisu obuhvaćena ovim Zakonom, tj. kantonalni organi svojim propisima osiguravaju dopunska prava kao naprimjer: pravo na zdravstvenu zaštitu, pravo liječenja u inostranstvu, pravo na rješavanje stambenih pitanja i druga prava.

Takođe, ističemo da je jedan od uslova za ostvarivanje određenih dopunskih prava definisan Zakonom o dopunskim pravima boraca-branitelja Bosne i Hercegovine da su pripadnici boračke populacije imali prebivalište, odnosno boravište na području Kantona Sarajevo i na dan 06.02.1999. godine.

Određeni broj prava predpostavlja prebivalište, odnosno boravište pripadnika boračke populacije i na dan 06.02.1999. godine, na području Kantona Sarajevo, kao i da korisnik prava nije ostvarivao status raseljenog lica, izuzev interno raseljenih lica. Ističemo da su navedeni uslovi postavljeni iz razloga što je Ministarstvo u momentu izrade Zakona imalo stav predstavnika međunarodne zajednice da je neophodno ispoštovati odredbe Ustava, tj. stimulirati „povratak svi na svoje“, kao jednom od postulata Dejtonskog ustava - Anex VII.

Takođe, gore navedeni datum je postavljen da bi se spriječila „interesna migracija“ pripadnika boračke populacije jer u momentu stupanja na snagu ovog Zakona u drugim kantonima i Distriktu Brčko nisu bila regulisana dopunska prava.

Ministarstvo je stava, da po pitanju ujednačavanja dopunskih prava pripadnika boračke populacije u svim kantonima i Distriktu Brčko, treba raditi Federalno ministarstvo za pitanja boraca i invalida odbrambeno-oslobodilačkog rata, kako bi se izbjegla ova vrsta diskriminacije kad su borci u pitanju. U cilju ostvarivanja jednakih prava pripadnika boračke populacije, smatramo da je potrebno donijeti propise u svim kantonima i Distriktu Brčko a kantone koji nemaju dovoljno sredstava za ove namjene, treba rješavati obezbjeđivanjem dodatnih sredstava na nivou Federacije BiH.

S poštovanjem,

Obradila: De [redacted] sejnović
Kontrolisala: mr. Belma Adilović [redacted]



Dostaviti:

- Predsjedateljici Skupštine Kantona Sarajevo,
- Sekretaru Skupštine Kantona Sarajevo,
- Stručna služba Vlade Kantona Sarajevo,
- A/a.



web: <http://mbp.ks.gov.ba>
e-mail: mbp@mbp.ks.gov.ba
Tel: + 387 (0) 33 562-012, Fax: + 387 (0) 33 562-251
Sarajevo, Reisa Džemaludina Čauševića 1

